



## Universitätsbibliothek Paderborn

**Theses Theologicae De Certitudine Morali Quam habere  
debet Confessarius de dispositione Poenitentis, ut eum  
sepositâ justâ necessitate licite absolvat**

**Huygens, Gommarus**

**Lovanii, [1685?]**

Conclusio Quinta. Vt Confessarius licita absolvat pœnitentes non debet de illorum dispositione habere certitudinem Metaphysicam, Physicam, aut moralem tantam, qualis potest haberi in Historiis ...

**urn:nbn:de:bvb:12-bsb10951917-8**

damnatione 1. propositionis inter 65. non absimilis est ille quem Pater Carolus de Assumptione refert in Libello quem ipse vocat *La vérité opprimée*, non veluti suum, nam ille ipse illum improbat, sed tamquam Illustrissimi Domini Tornacensis, qui ad Illustrissimum Dominum Archi-episcopum Cameracensem scribit hæc verba. *Vous enseignez sans doute, Monseigneur, comme tous les vrais Theologiens & selon le sentiment Apostolique de notre S. Pere le Pape, que bien loin qu'il suffise pour absoudre un Pecheur de n'avoir pas une evidence physique de son indisposition, il faut au contraire qu'un fidele Dispensateur de ce Sacrement de reconciliation ait une certitude morale de la bonne disposition de son Penitent; & il n'est jamais permis de se mettre dans un hazard apparent de rendre le Sacrement nul, hors le cas de nécessité, où l'on hazarde plutost le Sacrement, que de laisser le Pecheur sans le secours spirituel.* Quod Illustriss. Dominus Tornacensis ibidem dicit de certitudine morali suo loco in his ipsis nostris Thesibus explicabimus & examinabimus.

## C O N C L U S I O Q U I N T A.

*Vt Confessarius licita absolvat pœnitentes non debet de illorum dispositione habere certitudinem Metaphysicam, Physicam, aut moralem tantam, qualis potest haberi in Historiis humanis, neque tantam ut est illa qua haberi potest, de propria dispositione.*

**C**ERTITUDO Metaphysica habetur de illis rebus quas ita novimus, ut una noverimus ne quidem per Deum fieri posse ut in illis fallamur; talem habemus de omnibus illis rebus quas scimus à Deo esse revelatas; item de his principiis Metaphysices, Logices, Matheſeos, Arithmeticæ: *Impossible est idem simul esse & non esse. Contradictoria non possunt esse simul vere. Si aequalibus addas inegalia tota erunt inegalia.* Omnes numeri pares possunt dividiri in duas partes aequales. &c. Talis item habetur de infinitis aliis propositionibus five principiis five conclusionibus, modò sint evidenter necessaria, item de infinitis consequentiis evidenter necessariis. Probatione non indiget quod talem certitudinem Confessarius de Pœnitentis dispositione habere non debeat, imo sine revelatione divina talem habere non potest.

Certitudo physica habetur de illis rebus quas ita novimus; ut una noverimus naturaliter fieri non posse ut aliter se habeant. Ex. gr. tali certitudine scimus quod lapis casurus sit, si illum ex manu dimittamus; item quod hic illevè liquor, in quo deprehendimus omnes proprietates aquæ, verè sit aqua, &c. Quod etiam hæc certitudo non requiratur in Confessario, rursùs est indubitatum.

Certitudo moralis Historica habetur de illis rebus, quas ex testimonio humano ita novimus subsistere, ut una noverimus moraliter fieri non posse ut non ita se habeant; moraliter hoc loco idem valet quod tali modo agendi hominum, ut qui illius testimonio non defert, merito habeatur exoticus, & ineptus ut cum hominibus agat. Ex. gr. moralem habemus certitudinem quod Julius Cæsar exstiterit. Quod dentur Antipodes. &c. Quia qui non defert testimonii quæ habentur ex illo testandi modo, quem adferunt Historiæ ac enarrationes de Julio Cæsare & Antipodibus, ineptus est ut cum hominibus res humanas tractet, cum sèpissimè eveniet ut si talia maneant ipsi adhuc suspecta de falsitate, potissimum in praxi, necessum erit, ut in ipso conspiciantur actiones & omisiones intolerabiles, idque quotidie, imo quolibet ferè momento. Iterum nímis certum est, quod talem certitudinem Confessarius de pœnitentis dispositione habere non debeat.

Quod quamdam certitudinis moralis speciem habere quis possit de propria sua bona dispositione, rectè colliges ex hoc loco S. Scripturæ, *Sicut agite ut per bona opera certam vestram vocationem & electionem faciatis 2. Petri 1. v. 10.* Siquidem longè difficilius est, ut quandam moralis certitudinis speciem habeamus de nostra vocatione & electione, adeoque etiam de:

de perseverantia finali, quam ut aliquam ejusmodi certitudinem habeamus de praesenti bona nostra dispositione. Negari igitur non potest: quin quamdam certitudinem moralem habere quis possit, de praesenti bona animae suae dispositione cum posit illam habere de sua vocatione & electione. Neque tamen requiritur ut Confessarius de poenitentis bona dispositione habeat certitudinem tantam, quantum homo de sua dispositione habere potest. Non dico quantum hic Confessarius de sua dispositione habet, nam fieri potest, ut tam malus sit hujus in individuo Confessarii status, ut nullam prorsus certitudinem, imo nec probabilitatem, aut fundatam suspicionem habeat de bona sua dispositione. Hoc solummodo dico quod cum homo possit majorem certitudinem habere de bono statu animae suae quam de bono statu alterius (ceteris nimis paribus) non requiri, ut Confessarius tantam habeat de bona dispositione Poenitentis, quantum de sua habere potest. Quod mox dixerimus, ceteris paribus, idcirco est; quia disfiteri nec volumus nec possumus quin possint esse illae circumstantiae tum ex parte Poenitentis, tum ex parte Confessarii, ut fieri vix possit, quod Confessarius quia multis distractus, ab Orationibus sepe avocatus, pro multis animabus rationem redditurus, tantam habeat de sua bona dispositione certitudinem, quantum habeat de bona dispositione hujus sui Poenitentis, qui nec multis est distractus, nec inter orandum interpellatur, neque pro animabus aliorum rationem reddere debet.

## CONCLUSIO SEXTA.

*Confessarius potest & debet de Pœnitentis sui bona dispositione habere aliquam speciem certitudinis moralis.*

**C**onclusione quartâ diversis paragraphis Lectorem, ut confidimus, illuc tandem deduximus, ut admissurus sit, vel admittere saltem debeat; Confessario posse esse plusquam probabile, quod Pœnitens ad Absolutionem sit ritè dispositus: quo casu erit in Confessario moralis quedam certitudo de bona dispositione Pœnitentis. Quid in hac probatione negari potest? An antecedens, hoc scilicet: fieri potest ut Confessario sit plusquam probabile Pœnitentem suum esse ritè dispositum, an inquam hoc antecedens negari potest? Certè non videmus quo colore; postquam illud paragraphe 2. Conclusio-  
nis quartæ evidenter deduxerimus ex doctrina paragraphi ibidem præcedentis; quæ, ut nobis saltem videtur negari non potest. Sed forte displicet consequentia quam hic facimus, illa scilicet: Confessario potest esse plusquam probabile quod hic suus Pœnitens sit ritè dispositus, ergò Confessarius habet moralē certitudinem de bona dispositione Pœnitentis: sed consequentia evidenter patet ex illis quæ dicta sunt Conclusione 4. §. 3. en tamen adhuc aliam consequentia istius probationem. Si Confessarius censeat esse plusquam probabile quod Pœnitens sit dispositus, judicabit non superesse ullam probabilitatem de indispositione: non habebit prōinde justam rationem, rebus istis proportionatam, de bona Pœnitentis sui dispositione dubitandi, vel potius eum veluti dubiè tantum dispositum tractandi, adeoque habet de bona ejus dispositione aliquam moralis certitudinis speciem.

Sicut hinc patet quod Confessarius de bona Pœnitentis dispositione certitudinem moralem habere poscit, ita nunc ostendendum est, quod, justâ necessitate depositâ, certitudinem illam habere debeat: ostenditur autem hanc ratione; Conclusione 4. §. 3. & 4. demonstratum est, quod Confessarius, justâ necessitate depositâ, illicite absolvat confitentes, nisi ipsi sit plusquam probabile eos esse ritè dispositos; jam verò, iis obtentis, habet Confessarius certitudinem moralem, nimis rebus istis proportionatam, quod Pœnitentes sint ritè dispositi: ergò sicut, justâ necessitate depositâ, debet Confessario esse plusquam probabile quod Pœnitens sit ritè dispositus priusquam illum absolvat; ita quo-